

補宋書宗室世系表

外十三種

上

羅振玉 著



羅振玉學術論著集

第八集

補宋書宗室世系表

補唐書張義潮傳／高昌麴氏年表

瓜沙曹氏年表／魏書宗室傳注

魏宗室世系表／魏書宗室傳注校補

五史校議

新唐書宰相世系表補正

三國志證聞校勘記

唐折衝府考補／唐折衝府考拾遺

萬年少先生年譜／徐俟齋先生年譜

補宋書宗室世系表

（附錄）

上

卷之三



羅振玉學術論著集

第八集 上

羅振玉 著

羅繼祖 主編

王同策 副主編

上海古籍出版社



第八集

責任編輯：查明昊

封面設計：嚴克勤

技術編輯：王建中

校對：楊思華

沈美琴

張惠娟等




第八集目次

補宋書宗室世系表	一
補唐書張義潮傳	二九
高昌麴氏年表	四一
瓜沙曹氏年表	六七
魏書宗室傳注	九一
魏宗室世系表	三四一
魏書宗室傳注校補	四〇三
五史校議	四五五
新唐書宰相世系表補正	五五一
三國志證聞校勘記	六七三
唐折衝府考補	六九五

唐折衝府考拾遺	七三九
萬年少先生年譜	七四九
徐俟齋先生年譜	七九三
整理後記	八六八

羅繼祖

補宋書宗室世系表



幼讀汪容甫先生《補宋書宗室世系表序》而善之，深惜其表不傳，欲爲補輯，匆匆未果。閱歲四十，始以三日之力，成書一卷，而書其端曰：觀於有宋宗室之慘禍，知五倫之闕其一，其害竟如斯之酷矣。人之生也，親親長長，本乎天則。於是父子有親，長幼有序，夫婦有別，朋友有信，君臣有義，人紀於是乎立。夫父子、兄弟，天屬之合也；若夫夫婦、朋友、君臣，則以人合者也。以愛由親始之義言之，則天屬者爲親，而人合之夫婦、朋友爲疏矣。推之君臣，則益疏矣。而以事實言，則無君臣則國無統治；國無統治，家將安苾？家無所苾，身將曠依？譬以爲車，三十輻共一轂而成輪；輪成乃有車之用。使壞其一輻，而輪不固矣。若壞其轂，則羣輻皆無所麗，輪壞而車廢矣。方車工之爲輪也，先爲羣輻，而後爲之轂以納焉。猶之先有身、有家、有鄉井，而後有君臣以統治焉。轂廢而輻無所麗；君臣之倫廢而羣倫得以保全，固未之前聞也。於是悖逆禍亂，一時俱起。其始也忍於他族；其卒也極其猜疑。嫌忌之所至，馴及於天屬之親，勢不至自相翦屠不止。所謂以其所不愛及其所愛，不仁之至。人道遂與獸道邇矣。試觀夫宋武之詒謀，與夫一門之慘禍，固可證吾說而無疑也。

容甫先生謂：自宋武受終晉室，迄於昇平之末，凡五世六十年，本支百二十九人，其被殺者百二十有一，而骨肉自相屠害者八十。予核以史官所紀，則帝之本支實百五十有八人，其令終者三，而子弑父者一，臣弑君者四，骨肉相賊者百有三，見殺於他人者六，夭折者三十六，無子國除及出奔者三，其令終與否不可知者二。更推之臨川、長沙、管浦三系凡五十有四人，骨肉相賊者九，被殺於他

人者十，夭折者七，令終者十二，不可知者十有六。是容甫先生所舉猶未盡核，殆欲爲之表而未果歟？

今既列其世系，並將其人致死之由，一一疏於名字之下，以示不仁於人，鮮不馴及於己而益加酷焉。且以示君臣之倫廢，人紀罔不與之俱廢，宋室之禍，固前事之師矣。後世亂臣賊子，尚鑒之哉。辛酉八月，上虞羅振玉書。

補《宋書·宗室世系表》

一世	高祖武帝裕 字德輿，小字奇奴。漢楚元王交之後。世居彭城綏興里，至武原令混，始居晉陵丹徒之京口里。混生東安太守靖，靖生郡功曹翹，翹生高祖。高祖代晉，尊翹爲孝穆皇帝。高祖在位三年崩，年六十七。
二世	少帝義符 小字車兵。即位逾年被廢。徐羨之使人弑之金昌亭。年十九。
三世	南豐縣王朗 字元明。以江夏王義恭長子繼。湘州刺史。爲元凶劭所殺。
四世	嗣王統 以長沙成王義欣子韞之子繼。與韞同誅。
五世	

續表

				一世
		廬陵孝獻王義真 小字車士。南豫州刺史。徐羨之奏廢之。尋遇害，年十八。		二世
		嗣王紹 字休胤。以太祖第五子繼。揚州刺史。薨年二十一。		三世
嗣王德 子輿被殺，復以桂陽王休範第二子繼。淮陵、南彭城二郡太守。後廢帝元徽二年與休範同被誅。	嗣王子輿 字孝文。敬先見殺，以世祖第二十一子繼。尋為太宗所殺。	恭王敬先 本名敬秀。以南平王鏐第三子繼。景和二年，為前廢帝所殺。	嗣王續 以興安侯義賓子琨之子繼。齊受禪，國除。	四世
				五世

續表

				一世
			太祖文皇帝義隆 小字車兒。在位三十年，為太子劭所弑。	二世
		始興王濬 字休明，小字虎頭。荊州刺史。黨於元凶劭，伏誅。	元凶劭 字休遠。以弑逆伏誅。	三世
世祖孝武皇帝駿 字休龍，小字道民。在位十一年崩，年三十五。	前廢帝子業 小字法師。在位逾年，壽寂之等弑之於華林園。年十七。	長文 長仁 長道 並與濬同誅。	元王嵩 字淵華。以臨澧侯襲第三子繼。給事中。昇明元年薨，無子。國除。	四世
				五世

續表

				一世
				二世
				三世
臨海王子瑱 字孝烈。平西將軍。 以應子助賜死，年 十一。	松滋侯子房 字孝良。初封尋陽王、 會稽太守。以與子助 同拒命貶爵，尋廢徙被 殺，年十一。	晉安王子勛 字孝德。江州刺史。 太宗定亂，不受命，兵 敗被殺，年十一。	豫章王子尚 字孝師。都督揚、南徐 二州諸軍事，領尚書。 爲廢帝所殺，年十六。	四世
				五世

續表

				一世
				二世
				三世
始安王子真 字孝貞。南兖州刺史。遷丹陽尹，未拜賜死。年十歲。	永嘉王子仁 字孝和。湘州刺史，未拜賜死。年十歲。		始平孝敬王子鸞 字孝羽。南徐州刺史。前廢帝時賜死，年十歲。	四世
		嗣王延之 延年既殤，復以長沙王纂子繼。昇明三年薨，國除。	沖王延年 字德沖。以建平王景素子繼。薨年四歲。	五世

續表

						一世
						二世
						三世
淮陽思王子霄 字孝雲。年四歲薨。	南海哀王子師 字孝友。爲前廢帝所 害，年六歲。	晉陵孝王子雲 字孝舉。年四歲薨。	淮南王子孟 字孝光。泰始二年，改 封安成王，未拜賜死。 年八歲。	齊敬王子羽 字孝英。年二歲薨。	邵陵王子元 字孝善。湘州刺史，未 之鎮，賜死。年九歲。	四世
						五世

續表

			一世
			二世
			三世
<p>子趨 子期 子悅 並未封，為明帝所殺。</p>	<p>子深 子鳳 子玄 子衡 子文 子況 子雍 以上七人並未封，早殤。</p>	<p>東平王子嗣 字孝叔。初出嗣東平王休倩，生母謝昭容奏請還本，從之。尋賜死，年四歲。</p>	四世
			五世

續表

				一世
				二世
		南平穆王鑠 字休玄，小字烏羊。侍 中司徒。世宗以其黨 元凶劾，納藥食中殺 之。年二十三。		三世
嗣王子產 字孝仁。以孝武帝第 十八子繼，未拜被殺。	敬淵 後軍將軍。為前廢帝 所殺。	懷王敬猷 黃門郎。為前廢帝 所殺。	武陵王贊 字仲敷，小字智隨。明 帝既盡殺孝武諸子，乃 以第九子繼孝武。昇 明二年薨，年九歲， 國除。	四世
				五世